



MAKTABGACHA VA MAKTAB  
TA'LIMI VAZIRLIGI



A. AVLONIY NOMIDAGI  
ILMIY-TADQIQOT INSTITUTI



JIZZAX VILOYATI  
PEDAGOGIKA MARKAZI

**"INNOVATSION TEXNOLOGIYALAR ASOSIDA FAN, TA'LIM VA ISHLAB  
CHIQARISH INTEGRATSİYASINI TA'MINLASH:  
MUAMMO VA YECHIMLAR"  
XALQARO ILMİY-AMALIY ONLAYN KONFERENSIYASI  
(2024-YIL, 15-IYUN)**

# MATERIALLARI

**"ENSURING THE INTEGRATION OF SCIENCE, EDUCATION AND  
PRODUCTION BASED ON INNOVATIVE TECHNOLOGIES:  
PROBLEMS AND SOLUTIONS"  
INTERNATIONAL SCIENTIFIC AND PRACTICAL  
ONLINE CONFERENCE  
(JUNE 15, 2024 Y)**

# MATERIALS



**РАҲБАР КОММУНИКАТИВ ФАОЛИЯТИНИ  
ТАКОМИЛЛАШТИРИШНИНГ НАЗАРИЙ-УСЛУБИЙ АСОСЛАРИ**  
**Кўбаев Акмал Сирлиевич –п.ф.ф.д(PhD),**  
*Жиззах вилояти педагогларни янги методикаларга  
ургатиши иллий маркази аниқ ва табиий фанлар  
кафедраси доценти*

**Резюме:** мақолада академик лицей, техникум, касб-хунар мактаби ҳамда касб-хунар коллежи раҳбарининг жамоани бошқариш ва тарбиялашдаги роли ва вазифалари кўрсатиб берилган.

**Таянч сўз ва жумлалар:** академик лицей, техникум, касб-хунар мактаби, касб-хунар коллежи, ўқув муассасаси раҳбари, жамоани тарбиялаш.

**Резюме:** в статье речь идет о роли и задачи руководителя академического лицея, техникума, профессиональной школе и профессионального колледжа в воспитании и руководстве всего коллектива образовательного учреждения.

**Ключевые слова:** академический лицей, техникум, профессиональная школа профессиональный колледж, руководитель учебного заведения, воспитание коллектива.

**Abstract:** This article deals with the role and importance of the head of an academic lyceum, technical school, vocational school and vocational college in the upbringing and leadership of the entire staff of an educational institution.

**Key words:** academic lyceum, technical school, professional school, professional college, head of an educational institution, education of the team.

Сиёсий мустақилликка эришиш Ўзбекистон Республикасининг ривожланиш ва тараққиёт йўлини эркин белгилаш имконини берди. Мустақиллик йилларида республикада кенг кўламда ижтимоий ислоҳотларни амалга оширилишига алоҳида эътибор қаратилди. Ислоҳотлар жамият ҳаётини яхшилаш, ижтимоий муносабатларнинг демократик ва инсонпарварлик ғояларига асосланишини таъминлаш, шунингдек, ижтимоий-иктисодий барқарорликка эришиш каби эзгу мақсадларни амалга оширишга йўналтирилди. Жамият ҳаётида янги босқич бўлган давр натижаларининг сарҳисоби эришилган ютуқларнинг салмоқли эканлигидан далолат беради.

Ижтимоий соҳаларда амалга оширилаётган ислоҳотларнинг самарасини таъминлашда субъектлар ва уларнинг фаолияти алоҳида ўрин тутади. Субъектлар фаолиятини ташкил этишга оқилона раҳбарлик қилиш эса ислоҳотлар жараёнини тўғри ташкил этиш, кутилган мақсадларга эришишга имкон берувчи муҳим омил саналади.

Кузатишларимизнинг кўрсатишича, ўрта маҳсус таълим муассасалари (академик лицей, техникум, касб-хунар мактаби ҳамда касб-хунар коллежи) раҳбарининг катта қисми бошқарув фаолияти, вазифалари бўйича зарур билим, етарли кўникма ҳамда керакли педагогик маҳоратга эга эмасликлари маълум бўлди.

Ўрта маҳсус таълим муассасаси (академик лицей, техникум, касб-хунар мактаби ҳамда касб-хунар коллежлари) раҳбарининг юқори даражадаги обрўси

ва салоҳияти унинг кенг миқёсли вазифаларида намоён бўлади. Шулардан бири муассаса раҳбарининг ёш авлод тарбиясини бошқаришга қаратилган ижтимоий-педагогик коммуникатив фаолиятидир<sup>18</sup>. Коммуникатив фаолият ўз навбатида ёш авлод тарбиясида муҳим ўрин тутувчи омил ҳисобланади. Бироқ муассаса раҳбарга мазкур фаолиятни амалга ошириши учун бошқарувнинг назарий-амалий асослари ҳамда маҳсус методика зарур.

Афсуски, педагогик жамоанинг ички педагогик фаолиятига оид қўплаб масалалар ҳозиргача ўз ечимини топмай келмоқда, хусусан, ўрта маҳсус ўкув юртлари раҳбарининг коммуникатив фаолияти орқали ёш мутахассис кадрларни тайёрлаш омили сифатидаги муаммо ҳам илмий асосда ўрганилган эмас. Бу ҳолат бўлажак ўқитувчи фаолиятида, умуман, яхлит ўкув-тарбиявий жараёнда ўз-ўзидан намоён бўлиб келмоқда. Ҳозирга қадар ўрта маҳсус ўкув юртлари раҳбарларининг ички бошқарув фаолияти етарли даражада ўрганилмаган.

Таниқли олим С.Т.Турғуновнинг фикрича, бугунги кунда “мактаб директори таълим муассасида вужудга келадиган муаммоли вазиятларда ҳам раҳбарга хос равишда, ўз ваколати доирасида фаолият кўрсатиши, жамоада мавжуд бўлган сунъий тўсиқ ва муаммоларни ҳал этишда, турли йўналишларда қарорлар қабул қилишда жамоа фикрини ўрганиши, бошқарувда бевосита ўзаро таъсир жараёнининг мавжудлиги ва унда “раҳбар – ходим” муносабатларининг қўп қиррали эканлигини эътиборга олиш, мактаб бошқарувига инновацион технологияларни татбиқ этиш, таълим муассасида инновацион таълимий мухитни вужудга келтириш, ўзини-ўзи ривожлантириш, рефлексив ёндашувларга асосланган ҳамкорликдаги фаолиятни ташкил этиш каби қатор талабларни қўймоқда”<sup>19</sup>.

Бугунги кунда ушбу муаммо юзасидан республикамиз ва хорижда нашр қилинган илмий адабиётлар таҳлили шуни кўрсатмоқдаки, таълим муассасаларини самарали бошқаришнинг муҳим жиҳатларидан бири раҳбарнинг коммуникатив сифатларга эгалиги саналади.

Чунончи, қўриб чиқилган муаммо юзасидан У.И.Иноятов, Х.Рашидов, Р.Ш.Ахлитдинов, Р.Х.Шакуровлар<sup>20</sup>нинг умумий ўрта таълим мактаблариларини бошқаришнинг ижтимоий-психологик асослари ҳақидаги, шунингдек, С.Т.Турғунов ҳамда Е.П.Тонконогаяларнинг умумтаълим мактаблари раҳбарларининг бошқарув кўникмаларини такомиллаштиришнинг назарий асослари борасидаги тадқиқотларигина мавжуд. Бироқ бу муаллифлар таълимнинг ўрта бўғини раҳбарларининг коммуникатив фаолиятлари масаласи борасида бирор бир фикр билдирамаганлар. Айни пайтда мазкур муаммо бўйича илмий-педагогик тадқиқотлар мавжуд эмас.

<sup>18</sup>Ўзбекистон Республикасининг “Таълим тўғрисида”ти қонуни //Баркамол авлод – Ўзбекистон тараққиётининг пойдевори. – Т: Шарқ, 1997. – 20-29-б.

<sup>19</sup> Турғунов С.Т. Умумий ўрта таълим муассасалари директорлари бошқарув фаолиятининг назарий асослари: Пед. фан. докт....дисс. Т, 2007 й. -363 б.

<sup>20</sup>Шакуров Р.Х. Социально-психологические проблемы управления; руководитель и педагогический коллектив.–М.:Просвещение, 1990..

Раҳбарларнинг таълим тизимини бошқарувига оид фикрлар М.И.Кондаков, П.В.Зимин, Д.А.Плотник, М.Мирқосимов, С.Т.Родовскийларнинг тадқиқотларида; ёш раҳбарга ёрдам бўйича бир қатор қўлланмаларни М.И.Портнов, В.А.Сухомлинский, П.Т.Фролов, С.Е.Хозе<sup>21</sup> каби олимлар ўқувчилар ҳукмига ҳавола этганлар. Бироқ тадқиқ этилаётган муаммолизга оид фикрлар бу муаллифлар изланишларида ҳам кўзда тутилмаган. Шунингдек, педагогик жамоанинг ички бошқарув фаолияти вазифалари ва уни такомиллаштириш йўллари Р.Н.Денисов томонидан; умумтаълим мактаблари таълим жараёнида бошқарув фаолиятини режалаштириш ва ташкил этиш масаласи Д.К.Новиков томонидан ўрганилган.

Шунингдек, умумтаълим мактаблари педагогик жараёнининг ички бошқаруви, бошқарув методларини туркумлаштириш, педагогик жараённи бошқаришда унинг ташкилий аҳамияти, ижтимоий-психологик методларининг роли Т.М.Куриленко изланишларида ҳам қўриб чиқилган.

Ўқув муассасалари директорининг педагогик жамоанинг раҳбари ва ташкилотчиси сифатидаги роли (раҳбарлик, назорат, методик ёрдам) бўйича А.К.Желтовнинг тадқиқотлари ҳам эътиборга молик.

Директорнинг қўл остидаги ходимларга муносабати тўғрисида – Р.А.Караковский; ўқув муассасаси раҳбарининг иш тизимида қайта алоқа – Н.В.Кухарев; ўқув-тарбиявий жараён сифатини оширишда директорнинг ўрни – Е.А.Дроздова; раҳбарга педагогик таҳлил элементлари –Ю.А.Конаржевский<sup>22</sup> каби олимлар томонидан ўрганилган. Бироқ бу ишларда ҳам раҳбар коммуникатив фаолияти ўқитувчиларга тарбиявий восита сифатида ўрганилмаганлиги сезилади.

Раҳбар учун тавсия, қўлланма, эслатмалар мавжуд. Ўз бошқарув фаолиятини қандай қилиб самарали ташкил этиш мумкинлиги тўғрисида – М.Г.Захаров (директорнинг тарбиявий роли тўғрисида фикр юритилмаган). Умумий ўрта таълим мактаблари директорларининг мустақил билим олишлари тўғрисида Е.П.Тонконогаянинг ишларида қўриш мумкин.

В.Б.Алдонина, Ф.Биншток, Е.Е.Вендров, В.И.Загвязинский, М.Т.Захаров, Ю.А.Конаржевский, Т.Канина, С.Е.Карклина, М.Махмутов, И.В.Парамонов, И.Л.Портнов, И.И.Тихонов, П.Т.Фролов, С.Хозе, Р.Х.Шакуров, И.К.Шелаев, Е.А.Ямгбург<sup>23</sup> каби тадқиқотчиларнинг ўрта маҳсус ўқув юртларини бошқаришнинг умумий ва алоҳида масалаларини ўрганувчи бошқа ишлар ҳам бизни қоноатлантирмайди.

Е.В.Гудаков, В.Ю.Кричевский каби педагог-олимлар тадқиқотларида таълимнинг ўрта бўғини етакчи раҳбарларининг тажрибалари умумлаштирилган, бироқ бу тадқиқотларда ҳам ўқитувчи тарбиясига кам эътибор берилган.

Ниҳоят, баъзи ишларда ёш мутахассислар, уларни касбий йўналтириш масалаларига дуч келамиз: Н.Д.Крилова, Г.С.Сухобская, С.Г.Варшавский,

<sup>21</sup> Таълим менежменти. –Т: Шарқ, 2005. № 1-2.

<sup>22</sup> Ахлидинов Р.Ш. Мактабни бошқариш санъати. –Т, Фан, 2006.

<sup>23</sup> Ахлидинов Р.Ш. Мактабни бошқариш санъати. –Т, Фан, 2006. –304 б.

Л.Н.Пасохина каби олимлар ёш ўқитувчининг касбий фаолияти, ижтимоий-педагогик жиҳатлари билан алоҳидақизиқканлар.

Н.В.Головко, Т.С.Поляковалар эса ёш ўқитувчининг психологик-педагогик қийинчиликлари ва муваффақиятларини таҳлил қилишган. А.И.Фюссел директорнинг ёш ўқитувчи билан ўзаро муносабатлари тўғрисида фикр юритади, бироқ бу олимларнинг ишларида ҳам биз ўрганаётган муаммо тўғрисида аниқ фикр билдирилмаган.

Қайд этиш жоиз, Р.Х.Шакуровнинг “Бошқарувнинг ижтимоий-психологик асослари: раҳбар ва педагогик жамоа” номли китобида раҳбар шахси, раҳбарлик услуби, умумтаълим мактаблари раҳбари фаолияти, директорлар қандай қилиб педагогик жамоада қулай микромуҳитни яратишлари, ўқитувчи учун қандай ижодий шароит яратилиши, касбий ўсишнинг рағбатлантирилиши каби муаммолар ўрганилган. Шунингдек, унда педагогик жамоани бошқаришнинг демократик услуби каби ижтимоий, психологик масалалар ҳам ўрин олган; ўқитувчими психологик қайта шакллантирилиш механизмлари, бу жараённи бошқариш услублари ўрганилган<sup>24</sup>. Афсуски, ёш мутахассисга муносиб эътибор бериш масаласини ушбу муаллиф ҳам четлаб ўтган, раҳбарнинг ижтимоий-психологик вазифалари қаторидан коммуникатив фаолияти ўрин олмаган.

Педагогик жамоада бошқарувчининг ходимлар билан ахлоқий-педагогик муносабатлари, тарбия самарадорлиги тўғрисидаги ишлар (Б.Кобзарь);педагогик жамоага раҳбарлик қилишнинг ижтимоий-педагогик муаммолари тўғрисида (А.Г. Ковелев);раҳбар одоби тўғрисида (Ф.Т.Селюков);педагогик жамоада мулоқотлар ва тарбия имкониятлари ҳамда муаммолари тўғрисида (А.В.Мудрик, В.А.Кан-Калик, А.А.Леонтьев); педагогик муносабатларни инсонпарварлаштиришнинг психологик шароитлари тўғрисида (А.А.Бодалев);педагогик ўзаро муносабатлар тўғрисида Г.С.Батниёзов, Н.Е.Лебедев<sup>25</sup>лар фикр юритадилар. Бу муаллифлар ҳам раҳбарнинг ўқитувчилар билан ахлоқий ва педагогик мулоқотларини мутахассисни тарбиялашнинг омили сифатида ўрганмаганлар.

Бу ўринда алоҳида такидлаш лозимки, профессор Р.Ш.Ахлидиновнинг “Мактабни бошқариш санъати” монографиясида учинчи мингийилликда Ўзбекистонда умумтаълим мактабларини бошқаришнинг умумий масалалари таҳлил қилинган ва республикамизда бу борада олиб борилаётган ишлар умумлаштирилган. Олим мактаб бошқарувида фаннинг роли, бошқарувни ўрганиш усуслари, бошқарувда ижтимоий муҳит, иқтисодий, сиёсий, ҳуқуқий, ахлоқий, экологик, маънавий-маърифий каби омилларга синчковлик билан ўз эътиборини қаратади.

Таникли олим С.Т.Турғуновнинг докторлик илмий тадқиқоти эса умумий ўрта таълим муассасалари директорлари бошқарув фаолиятига бағишлиланган бўлиб, унда умумтаълим мактаблари директорлари бошқарув тизимидағи

<sup>24</sup>Шакуров Р.Х. Социально-психологические проблемы управления; руководитель и педагогический коллектив.–М.:Просвещение, 1990.-210 с.

<sup>25</sup> Ахлидинов Р.Ш. Мактабни бошқариш санъати. –Т, Фан, 2006.

раҳбарлик услублари, бошқарувда инновациялар, бошқарув функция ва методлари, бошқарув фаолиятини моделлаштириш ҳамда муассаса раҳбарларини қайта тайёрлаш ва малакасини оширишнинг ўзига хос хусусиятлари, технологияси ва бошқалар тўғрисида муҳим фикрлари баён қилинган.

Муаммонинг амалиётдаги ҳолатини ўрганиш қуйидагиларни аниқлаш имконини берди: ҳозирги пайтда ўрта маҳсус, касб-хунар таълими муассасалари раҳбарлари олимларимиздан методик тавсиялар, методикалар ва, ниҳоят, мутахассис шахси тарбияланишини таъминловчи коммуникатив фаолият “технологиялари”ни кутмоқда; улар (раҳбарлар) маҳсус назарий билим, муаммони ҳал қилишнинг педагогик асосларига муҳтождирлар. Ўрта маҳсус таълим муассасаси раҳбарига, умуман, шахс тўғрисида, хусусан, мутахассис шахси, педагогик жамоа психологияси тўғрисидаги психологик билим, коммуникатив бошқарув фаолияти, муносабатлар, мулоқот психологияси бўйича қўнишка, замонавий ўқитувчи тўғрисида тасаввур берувчи, касби ва ихтисослигини ҳисобга олувчи ҳамда баҳолаш мезонларини аниқ белгилаш учун педагогик маҳорат зарур.

Ўрта маҳсус таълим муассасаси раҳбарлари мутахассиснинг бошланғич педагогик фаолиятидаги қийинчиликлар, эмоционал-психологик ҳолати ва функционал-педагогик мослашувидағи қийинчиликлар, уларга ёрдам кўрсатиш, раҳбарлик қилиш, тарбиявий-педагогик таъсир кўрсатиш зарурлигини, шахсий ва касбий ўзига ишончизликларини тушунишади ва ҳисобга оладилар, бироқ мутахассисга тўғри методик ва самарали педагогик ёрдам бера олмайдилар, унинг шахсини тузатиш ва такомиллаштириш масаласида эса умуман қийналадилар.

Раҳбарлар педагог кадрларни тарбиялашда ўз коммуникатив фаолиятиларидан фойдаланиши бўйича методик кўрсатма, педагогик технологияларга муҳтождирлар. Уларга ўқитувчини тарбиялаш шакллари, мазмуни, методлари, услублари, воситалари ва методикалари, маҳсус тайёргарлик, жумладан, ушбу жараёнга мустақил тайёрланиш бўйича қўлланмалар, тавсиялар, эслатмалар, ушбу фаолият натижаларини таҳмин қилиб мутахассислар билан сухбатлар ўтказиш методикасини ишлаб чиқиш зарур.

Раҳбар ўз мавқеи бўйича замонавий талабларга ҳар доим ҳам жавоб бермаслиги, унинг ходимлар олдида дарҳол ишончини йўқотишга олиб келади (бу ерда мутахассис шахсини тарбиялаш тўғрисида гапиришга ҳожат ҳам йўқ). Бундай ҳолатларда мутахассис кадрларнинг ишдан кетиш ҳолатлари содир бўлади, бу эса – ўкув-тарбиявий жараён сифатига салбий таъсир кўрсатувчи ижтимоий-педагогик фожеадир.

Ўрта маҳсус таълим тизимининг ҳар қандай тузилишида раҳбарнинг иши мураккаб ва кўп қиррали, лекин унинг бу ишида энг қийин томонларидан бири кадрлар билан ишлаш саналади ва бу ерда топширилган вазифаларни улдалашда унга ижтимоий-педагогик коммуникатив фаолияти ёрам беради.

Ўрта маҳсус таълим муассаси раҳбари педагогик жамоа, унинг алоҳида аъзолари, шу жумладан, энди иш бошлиётган ўқитувчига ҳар томонлама таъсир кўрсатиш учун коммуникациянинг кўплаб шакл, метод ва услубларидан фойдаланади (мулоқот, муносабат, сухбат, информация, ахборот, маълумотлар, йўриқнома, йўналтириш; таклиф, маслаҳат, кўрсатма, тавсиялар, эслатмалар; топшириқ, буйруқ ва шу кабилар)<sup>26</sup>.

Раҳбар мутахассисни илмий, психологик-педагогик ёндашувларга асосланган коммуникатив фаолияти орқали тарбиялаш учун методик қўлланмалар, тавсиялар, педагогик “технологиялар” ҳамда техник воситаларга муҳтожлик сезади.

Бинобарин, таълим тизимида малакали раҳбарлик қилиш таълимни ривожлантиришда муҳим роль ўйнайди. Бу ерда ўз педагогик фаолиятини бошлиётган мутахассис кадрлар шахсига катта педагогик эътибор талаб қилинади, уларни касбий йўналтириш, касбига ҳамда янги муҳитга мослаштириш, уларга шароит яратиш, янги жамоага ўрганишларида алоҳида эътиборли муносабатда бўлиш талаб этилади. Ҳулоса қилиб айтганда, мутахассисни мукаммал шахс сифатида тарбиялаш – муҳим ижтимоий-педагогик вазифа ҳисобланади. Аммо бу жараён осон кечмайди ва илмий асосланган ёндашувни талаб этади ҳамда юксак обрўга эга ва юқори малакали педагог сифатида раҳбар зиммасига юклатилади. Бошқа вазифалари орасида таълим соҳаси раҳбарининг коммуникатив фаолияти ўқитувчи шахсини тарбиялашда энг амалий, энг мобил ва энг таъсирлиси ҳисобланади. Раҳбарнинг ижтимоий-педагогик фаолиятининг бу тури “Раҳбар - ўқитувчи” тизимида шахслараро мutoқотларда тўғридан-тўғри ва бевосита амалга оширилади, бу ерда раҳбар - субъект, мутахассис эса объект ҳисобланади. Раҳбарнинг коммуникатив фаолиятида албатта юксак даражадаги эмоционал-психологик, маънавий-ахлоқий, педагогик, маъмурий ва ниҳоят ҳақиқий инсоний муносабатлари устун бўлиши лозим.

Бунда нафақат коммуникатив метод, услуг ва воситалар доирасини, балки мутахассисни тарбиялаш педагогикасини ҳам билишни тақозо қиласиди. Замонавий педагогика фани раҳбарнинг коммуникатив фаолияти орқали мутахассисни тарбиялаши учун зарур педагогик ва методик тизимлар, керакли методик материаллар билан таъминлаши, мос равищдаги шакл, метод, услуг ва воситаларни таклиф этиши керак.

---

<sup>26</sup>Ўзбекистон Республикасининг “Кадрлар тайёрлаш миллий дастури” //Баркамол авлод – Ўзбекистон тараққиётининг пойдевори. – Т: Шарқ, 1997. – 31-61-б.